

# Toshkent shahridagi Turin politexnika universiteti rektorining Italiyaga xizmat safari natijalari

“O‘zavtosanoat” AJ boshqaruvi raisi Ulug‘bek Rozukulov hamda Toshkent shahridagi Turin politexnika universiteti rektori Olimjon To‘ychiyevning Italiyaga xizmat safari doirasida joriy yilning 20-fevral kuni “IVECO” (Industrial Village Complex) korxonasiga tashrif buyurildi.





Tashrifdan ko'zlangan asosiy maqsad, xalqaro standartlarga mos keluvchi, energiya samaradorligi va ekologik tavsiflari yuqori elektromobillarni ishlab chiqarishni tashkil etish bo'yicha dunyoning yetakchi korxonalari tajribalarini o'rganish sanaladi. Rivojlangan mamlakatlar avtomobil ishlab chiqaruvchilari ichki yonish dvigatellari bilan bir qatorda elektr transport vositalari uchun akkumulyator loyihalarini faol amalga oshirish doirasida barqaror rivojlanish va atrof-muhit qoidalariga rioya qilishga intilmoqda.

Italiyaga xizmat safari dasturiga ko'ra, 21-fevral kuni delegatsiya a'zolari Italiyaning Turin politexnika universitetining (Politecnico di Torino) amaldagi rektori Guido Sarakko va professor Anita Tabakko hamda yangi saylangan rektori Stefano Paolo Corgnati bilan uchrashdi.

Uchrashuvda Toshkentdagi Turin politexnika universiteti bilan 15 yillik samarali hamkorligi, istiqboldagi rejalar va



loyihalar muhokamaning asosiy mavzulari bo'ldi.

Shundan so'ng delegatsiya a'zolari professorlar Perluiji Leone, Nikola Amati va Andrea Tonoli hamrohligida CARS avtomobil tadqiqotlari va barqaror mobillik markaziga (CARS Center for Automotive Research and Sustainable Mobility) tashrif buyurib, laboratoriyada amalga oshirilgan innovatsion loyihalar bilan yaqindan tanishdi.

Dasturga muvofiq, "O'zavtosanoat" AJ boshqaruvi raisi Ulug'bek Rozukulov tomonidan «O'zbekistonda avtomobil sanoati» mavzusida ma'ruza taqdimoti o'tkazildi. Ma'ruzada nafaqat talabalar, balki professor o'qituvchilar hamda dunyoning nufuzli kompaniya vakillari ham qatnashdi.



Dr. Ulugbek Rozukulov  
UzAuto  
Chairman of the Board







“O‘zavtosanoat” AK boshqaruvi raisi Ulug‘bek Rozuqulovning “O‘zbekiston avtomobilsanoati” mavzusidagi ma‘ruzasi talabalar, professor-o‘qituvchilar va yetakchi jahon kompaniyalari vakillarining e‘tiborini tortib, bilim va tajribaning o‘zaro almashuvi uchun o‘ziga xos platforma yaratdi.

Mazkur tadbir O‘zbekiston va Italiya o‘rtasida ta‘lim va innovatsiyalar sohasidagi hamkorlikni mustahkamlashda muhim qadam bo‘ldi, shuningdek, kelajkdagi loyihalar va tadqiqotlar uchun samarali istiqbollarni yaratdi.





